

## 218: Kubana na Yesu!

---

1. Kubana na Yesu!

Ibihe vyos' iryo

Jambo rivug' ubugingo

Bgacu budashira.

Mw'isi nd'ingenzi,

Si ho nzohora,

Kuko ndi mu rugendo

Runjana mw'ijuru.

2. Urugo rw' Imana

Hamwe ndaruraba

Nk' ururi hafi y' amaso

Kubgo kwizigira.

Birankumbuza

Ko noshikayo,

Ni ho mwandu w' abera,

Yerusalemu nsha.

3. Paulo yaravuze,

Ati Tuzobana

N'Umukam' ibihe vyose;

N' ijambo ry'Imana.

Rinshikirize

None Mukiza,

Tubane n' ino mw'isi,

Uhor' untabara.

4. Ni twamana Mwami,

Aho nzocikana,

Urupfu ruzonyinjiza

Aho batagipfa.

Nzoca nkumenya

Nk' uk' unzi Mwami,

Ndakwiratir' imbere

Ko tuzohorana.